



08.oktober 2020

UKA2020/196

**Sakkutuujususaaneq pillugu inatsisip allanngorneratigut inatsisitaalajangersimasut Kalaallit Nunaanut atuutilernissaat pillugit kunngippeqqussutaatigut atuutilersinneqarnissaa Namminersorlutik Oqartussatakuersaarsinissaat pillugu Inatsisartut aalajangiiffigisassaat.**

(Nunanut Allanut Nukissiuteqarnermullu Naalakkersuisoq)

Naalagaaffik sinnerlugu illersornissamut, taamaasillunilu sakkutuujususaatitaanermut inatsit atuuttoq danskinit tamakkiisumik akisussaaffigineqarpoq, inatsiliorneralu taamaasilluni tassaniiluni.

Siunnersuutigineqartumi Kunngip peqqusineratigut naalagaaffimmi atuuttussat tamarmiutillugu piffinni inatsisartoqarnikkut akuersissutigineqartussaapput, taamaasilluni inatsit atuuttoq uani pineqartumi sakkutuujususaatitaasut nunatsinniippata savalimmiuniippataluunniit assigiimmik atuuttoq.

Sakkutooqarneq eqqarsaatigalugu kalaallit ullumikkut pinngitsoorata sakkutuujususaatitaangilagut Naalagaaffik peqatigisarput innuttaminut Danmarkimi atuuttitamik sakkutuujususaatitaafeqaraluartut.

Taamaattorli nunaqqatitta nammineerlutik sakkutuujorusukkunik tamanna piumassutsiminnik kisasigisinnaavaat aammalu sakkutuujususaatitaasutulli atugaqartinneqarlutik tamanna pisinnaavaat. Aaqqissuussineq ajunngilaq allanngortittariaqanngitsutulli isiginarpoq. Taamaattoq ullutsinni nunatta illersorneqarnerani aammalu issittulerngusaannermi nunatta ukkatarineqarnerata nalaani sakkutooqarfeqarnikkut najummarternariartortumiinnitsinni nunatut akisussaaqataajumaneq anner-tusiartortoq pillugu isumaqarpugut inuusuttatsinnut issittumi sakkutooqarfimmi annertuneru-sumik peqataanissaat kissatiginaqaaq. Ilisimavara suliniartoqartoq aammalu ilinniartitaaneq anner-tusarniarlugu aaqqissuussinerni peqataasalernermikkut periarfissamik saqqumilaartitsiniartut, tamanna ajunngilaq annerusumilli siunertaqarnikkut qinnuteqarsinnaanikkut periarfissanillu saqqumilaartitsinikkut annertusarneqarluarsinnaasutut isumaqarfigaarput. Periarfissaq manna atorluarlugu eqqarsaatersuutikka naalakkersuisunullu kaammattuuterput apuutilaarparput.

Taamatut oqaaseqarluta siunnersuutigineqartut taamatut isikkoqartillugu akuersaarparput, ataatsi-miititaliamukartinneqassappalli nunanut allanut sillimaniarnermullu ataatsimiititaliamut inger-lanneqassasoq inassutigaarput.